



UNMIK



IPVQ

**INSTITUCIONET E PËRKOHSHME TË VETËQEVERISJES
PROVISIONAL INSTITUTIONS OF SELF-GOVERNMENT
PRIVREMENE INSTITUCIJE SAMOUPRAVLANJA**

QEVERIA E KOSOVËS - GOVERNMENT OF KOSOVO - VLADA KOSOVA

**MINISTRIA E PUNËS DHE MIRËQENIES SOCIALE
MINISTRY OF LABOUR AND SOCIAL WELFARE
MINISTARSTVO RADA I SOCIJALNE ZAŠTITE**

Kryeministri i Qeverise se Kosovës,

Në përputhje më përgjegjësitë dhe autorizimet e pjesës së 3-të pika 9.3.1 të Kornizës Kushtetuese për Vetëqeverisje të Përkohshme në Kosovë, e cila është fuqizuar më Rregulloren e UNMIK-ut Nr. 2001/9,

Duke u mbështetur në nenin 58 të rregullores për punën e Qeverise se Kosovës,

Me qellim të sigurimit të pagesave financiare, në formë të pensioneve kategorive me te dëmtuara, si pasojë e luftës së armatosur në Kosovë, nxjerr këtë:

UDHËZIM ADMINISTRATIV NR. 01 /2007

PËR

RREGULLAT DHE PROCEDURAT E ZBATIMIT TË LIGJIT NR. 02/L-2 PËR STATUSIN DHE TE DREJTAT E FAMILJEVE TË DËSHMOREVE, INVALIDEVE, VETERANEVE DHE PJESTAREVE TË UÇK-së DHE FAMILJEVE TË VIKTIMAVE CIVILE TË LUFTËS

Neni 1

Qëllimi i Udhëzimit Administrativ

Më këtë Udhëzim Administrativ, përcaktohen rregullat dhe procedurat themelore për zbatimin e pjesërishëm të Ligjit Nr. 02/L-2 për statusin dhe të drejtat e familjeve të dëshmoreve, invalidëve, veteranëve dhe pjesëtareve të UÇK-së dhe familjeve të viktimave civile të luftës, që nga 01.01.2007.

Neni 2

Fushëveprimi i Udhëzimit Administrativ

Ky Udhëzim Administrativ do të zbatohet për të drejtat në pagesa financiare në formë të pensioneve dhe beneficioneve të ndryshme pa implikime të drejtpërdrejta buxhetore për familjet e dëshmoreve të Kombit dhe invalidët e luftës së UÇK-së më shkallë invaliditeti të përcaktuar sipas Ligjit.

Neni 3

Dispozitat e zbatueshme të Ligjit

(1) Nga 01.01.2007 do të zbatohen vetëm dispozitat e nenit 4 të Ligjit të lartpërmendur të cilat përcaktojnë dhe mundësojnë ndihmën financiare në forme të pensioneve, për familjet e dëshmoreve të Kombit dhe invalidët e luftës së UÇK-së.

(2) Favorizimi i këtyre dy kategorive për shfrytëzimin e pagesave financiare në forme të pensioneve, krahasuar me kategoritë e tjera të luftës së UÇK-së, behet për shkak të kontributit dhe sakrificës së tyre shumë të lartë në lufte si dhe duke pasur parasysh gjendjen shumë të rend materiale të tyre .

(3) Zbatimi i pjesërishëm i dispozitave të nenit 4 të Ligjit në fjale të cilat përcaktojnë dhe mundësojnë të drejtat në pensione dhe beneficione të ndryshme, për kategoritë e përfshira në Ligj, bëhet për shkak të mungesës së mjeteve buxhetore për zbatimin e tërësishëm të Ligjit .

Neni 4

Beneficionet e veçanta

Familjet e dëshmoreve dhe invalidët e luftës së UÇK-së, përveç pagesave financiare në formë të pensioneve, nga 01.01.2007, mund të realizojnë edhe disa beneficione të veçanta të përcaktuara më Ligjin e lartpërmendur, të cilat nuk kanë implikime të drejtpërdrejta buxhetore.

Neni 5

Pagesat financiare në formë të pensioneve për kategoritë e tjera të përfshira në Ligj

Kategoritë e tjera të përfshira në Ligj (familjet e viktimave civile, invalidët civil të luftës dhe familjet e të zhdukurve gjatë luftës), deri në zbatimin në tërësi të Ligjit, të drejtat e tyre në pagesa financiare do të realizojnë në përputhje me dispozitat e Rregullores Nr. 2000/66 mbi beneficionet e invalidëve të luftës të Kosovës dhe për më të afërmit e tyre që kanë vdekur si pasojë e konfliktit të armatosur në Kosovë.

Neni 6

Angazhimet për zbatimin e tërësishëm të Ligjit

Qeveria e Kosovës përkatësisht Ministria e Punës dhe Mirëqenies Sociale, përmes rishikimeve buxhetore do të bëjnë përpjekje të vazhdueshme për krijimin e kushteve, që Ligji në fjale të filloi se zbatuari në tërësi nga 01.07.2007.

Neni 7

Procedurat e zbatimit të Udhëzimit Administrativ

Realizimi i të drejtave në pagesa financiare në formë të pensioneve për familjet e dëshmoreve dhe invalidët e luftës së UÇK-së, si dhe të drejtave dhe detyrimeve tjera të cilat nuk ndërlidhen me implikimet buxhetore do të behet sipas proceduarave të përcaktuara me Ligj dhe akte nënligjore të nxjerra nga Ministria e Punës dhe Mirëqenies Sociale dhe Ministrinë e tjera më kompetence të Qeverisë së Kosovës.

Neni 8

Zbatimi i Udhëzimit Administrativ

Për zbatimin e drejt dhe efikas të udhëzimit Administrativ, do të përkujdeset Ministria e Punës dhe Mirëqenies Sociale përkatësisht Departamenti për familjet e dëshmoreve dhe invalidët e luftës i kësaj Ministrie.

Neni 9

Hyrja në Fuqi

Ky Udhëzim Administrativ fuqizohet, pas nënshkrimit nga Kryeministri i Qeverisë së Kosovës, ndërsa do të aplikohet nga dt. 01.01.2007

Kryeministri i Qeverisë së Kosovës

Agim Çeku